

國家圖書館藏

稀見明史史籍輯存

線裝書局

(清) [佚名] 編

明季烈臣傳(七)

《明季烈臣傳》目錄

第七冊

金國鳳 楊振 楊國柱 曹變蛟 朱文德 李輔明 王樸 劉肇基 乙邦才 莊子固 馬應魁 左良玉 左夢庚 鄧玘 賀人龍 高傑

劉澤清 祖寬 張慎言 張履旋 徐石麒 解學龍 高倬 黃端伯 龔廷祥 劉成治 吳嘉允 左懋第 祁彪佳 朱大典 王道焜 顧咸建 唐自綵 葉汝楨

王景亮 伍經正 鄧巖忠 方召 張國維 張肯堂 李向中 吳鍾巒 朱永佑 曾櫻 朱繼祚 湯芬 林崙 余煌 陳函輝 王瑞柎 路振飛 何楷

林蘭友 熊汝霖 錢肅樂 劉中藻 鄭遵謙 沈宸荃 沈履祥 袁繼咸 張亮 金聲 江天一 邱祖德 溫璜 吳應箕 尹民興 吳漢超 龐昌允 謝球

司石磐 王湛 魯之瑱 沈猶龍 李待問 章簡 侯承祖 陳子龍 夏允彝 徐孚遠 侯峒曾 閻應元 朱集璜 楊文驄 孫臨 吳易 陳潛夫 陸培

沈廷揚 林汝翥 林 塗 鄭爲虹 黃大鵬 王士和 胡上琛 熊 緯 楊廷麟 彭期生 萬元吉 楊文薦 梁于涖 郭維經 姚奇允 詹兆恒 胡夢泰 周定仍 萬文英 胡奇偉 胡甲桂

陳泰來 曹志明 王養正 夏萬亨 王 域 劉允浩 史夏隆 徐伯昌 李 翔 李時興 高飛聲 曾亨應 曾和應 曾 筠 曾 枳 曾 益 揭重熙 傅鼎銓 陳子壯 麥而炫 朱實蓮

霍子衡 朱應蘭 朱應荃 朱應芷 張家玉 陳象明 廖翰標 陳邦彥 蘇觀生 呂大器 文安之 樊一蘅 范文光 詹天顏 吳 炳 侯偉時 王錫袞 堵允錫 嚴起恒 朱天麟 張孝起

楊畏知 吳貞毓 高 勤 何騰蛟 章 曠 傅作霖 瞿式耜 焦 璉 汪 暉 朱旻如 周 震

金國鳳

楊振
楊國柱

曹變蛟

朱文德
李輔明

劉肇基

乙邦才
馬應魁
莊子固

左良玉

鄧

玘

賀人龍

高傑

劉澤清

祖寬

金國鳳宣府人崇禎中以副總兵守松山十二年二月
大清以重兵來攻環城發炮台堞俱摧城中人負扉以
行國鳳間出兵突擊輒敗還乃以木石甃補城壞處
大清兵屢登屢却遂分兵攻塔山連山令銳卒分道穴
城國鳳多方拒守終不下閱四旬圍解帝大喜立擢署
都督僉事為寧遠團練總兵官再論功署都督同知廕
錦衣衛千戶是年十月

大清兵復攻寧遠國鳳憤將士恒怯率親丁數十人出

據北山岡廩戰移時矢盡力竭與二子俱死帝聞痛悼
贈特進榮祿大夫左都督賜祭葬有司建祠增世職三
級總督洪承疇上言國鳳素懷忠勇前守松山兵不滿
三千乃能力抗強敵卒保孤城非其才力優也以事權
專號令一而人心肅也迨擢任大將兵近萬人反致隕
命非其才力短也由營伍紛紜號令難施而人心不一
也乞自今設連營節制之法凡遇警守城及統兵出戰
惟總兵官令是聽庶軍心齊肅戰守有資所係於封疆

甚大帝即允行之及國鳳父子樞歸帝念其忠命所過
有司給以舟車且加二祭其妻張氏援劉綎例乞加宮
保部議格不行而請於世職增級外再廕本衛誠百戶
世襲以勸忠臣帝可之當松山被圍巡撫方一藻議遣
兵救援諸將莫敢應獨副將楊振請行至呂洪山遇伏
一軍盡覆振被執令往松山說降未至里許踞地南向
坐語從官李祿曰為我告城中人堅守援軍即日至矣
祿詣城下致振語城中守益堅振祿皆被殺事聞命優

恤振義州衛人世為本衛指揮使天啟二年河東失守
歸路梗其母自縊振隨父及弟夜行晝伏渡鴨綠江入
皮島毛文龍知其父子才並署軍職文龍死振歸表崇
煥為寧遠千總崇禎二年從入衛救開平有功進都司
僉書郵馬山之戰以遊擊進叅將久之擢副總兵監視
中官高起潛招致之不往中以他事落職用一藻薦復
官及是死難振從父國柱崇禎九年為宣府總兵官十
一年冬入衛畿輔從總督盧象昇戰賈莊象昇敗歿國

柱當坐罪大學士劉宇亮侍郎孫傳庭皆言其身入
重圍非臨敵退却者比乃充為事官戴罪圖功十四年
祖大壽被困錦州總督洪承疇率八大將往救國柱先至
松山陷伏中敵兵四面呼降國柱太息語其下曰此吾兄
子昔年殉難處也吾獨為降將軍乎突圍中矢墮馬卒
事聞贈卹如制國柱二子俱歿妻何氏以所遺甲冑弓
矢及戰馬五十三匹獻諸朝帝深嘉歎命授一品夫人
有司月給米石餼之終身

曹變蛟文詔從子也。幼從文詔積軍功。至遊擊。崇禎四年。從復河曲。明年。連破賊紅軍友等於張麻村。隴安水落城。唐毛山。又破劉道江等於銅川橋。勇冠諸軍。以御史吳甦薦。進叅將。文詔移山西。變蛟從戰。輒勝。及文詔改鎮大同。山西巡撫許鼎臣言。晉賊紫金梁雖死。老回回過天星。大天王。蝎子塊。闖塌天。諸渠未滅。變蛟驍勇絕人。麾下健兒千百。才乃文詔亞。乞留之。晉中從之。七年。羣賊入湖廣。命變蛟南征。文詔困於大同。又命北援。

七月遇

大清兵廣武有戰功其冬文詔失事論戍變蛟亦以疾
歸明年文詔起討陝西賊變蛟以故官從大捷金嶺川
慶真寧之湫頭鎮皆為軍鋒文詔既戰歿變蛟收潰卒
復成一軍總督洪承疇薦為副總兵置麾下與高傑破
賊關山鎮逐北三十餘里又與副將尤翟文遊擊孫守
法追闖王高迎祥與戰鳳翔官亭斬首七百餘級又與
總兵左光先敗迎祥乾州迎祥中箭走斬首三百五十

餘級已而迎祥自華陰南原絕大嶺夜出朱陽關光先
戰不利賴變蛟陷陣乃獲全九年破闢將澄城偕光先
等追至靖虜衛轉戰安定會寧抵靜寧固寧賊屢挫其
秋追混天星等敗之蒲城賊西走平涼鞏昌復擊破之
十年二月巡撫孫傳庭部卒許忠叛勾賊混十萬謀犯
西安變蛟方西追過天星聞亂急還賊遂遁傳庭已誅
迎祥其黨闢將混天星過天星踞洮岷階文深谷間承
疇遣變蛟光先及祖大弼孫顯祖合擊四月望入山遇

賊郭家壩大雨諸將力戰賊死傷無算食盡引還九月
階州陷與光先並停俸俄擢都督僉事為臨洮總兵官
當是時承疇傳庭共矢滅賊傳庭戰於東承疇戰於西
東賊幾盡賊在西者復由階成出西合禮縣光先顯祖
皆無功獨變蛟降小紅狼餘賊竄走徽州兩當成鳳間
不敢大逞十月賊踰蜀中虛陷寧羌州分三道連陷三
十餘州縣承疇率變蛟等由沔縣歷寧羌過七盤朝天
二關山高道狹士馬飢疲歲暮抵廣元賊已走還秦變

蛟等回軍邀擊斬首五百餘級時兵部尚書楊嗣昌勅
四正六隅之說限三月平賊十一年四月以滅賊踰期
普議降罰變蛟光先並鐫五官戴罪辦賊賊之再入秦
也其渠魁號六隊者與大天王混天王爭管王四部連
營東犯混天星過天星二部仍伏階文獨闖將李自成
以三月自洮州出番地承疇令變蛟偕賀人龍追之連
戰斬首六千七百有奇番地乏食賊多死亡變蛟轉戰
千里身不解甲者二十七晝夜餘賊潰入塞大弼駐洮

州扼戰不力乃走入岷州及西和禮縣山中變蛟還勦
賊伏匿不敢出惟六隊勢猶張六月光先自固原進兵
賊已奔隴州清水光先追至秦州六隊及爭管王復走
成縣階州為變蛟所扼其別部號三隊及仁義王混天
王降於光先而自成六隊及其黨祁總管避秦兵復謀
犯蜀副將馬科賀人龍拒之將還走階文及西鄉憚變
蛟又走漢中又為光先所扼六隊祁總管皆降惟自成
東遁承疇令變蛟窮追而設三伏於潼關之南原變蛟

追及大呼斫賊伏盡起賊屍相枕藉村民用大棒擊逃者自成妻女俱失從七騎遁去餘皆降是時曹兵最强各鎮依之以為固錄關中平賊功進變蛟左都督十一月京師戒嚴召承疇入衛變蛟及光先從之明年二月抵近畿帝遣使迎勞將士各有賜未及戰渾河無功再戰太平砦北小有斬獲及解嚴留屯遵化麾下皆秦卒思歸多逃亡者追斬之乃定時張獻忠羅汝才既降復叛陝西再用兵總督鄭崇儉乞令變蛟兵西還帝不許